

**Cogitationes, Sive Considerationes Christianae Pro  
singulis Anni diebus**

Complectens Aprilem, Majum, Junium

**Nepveu, François**

**Monachii, 1709**

Dies 1. de fine hominis. Felicitatem nostram invenimus, ubi Deo servimus.

---

[urn:nbn:de:hbz:466:1-60514](#)

# CONSIDERATIONES CHRISTIANÆ.

*pro singulis Anni diebus.*

M A J U S.

D I E S I.

De fine Hominis.

Felicitatem nostram invenimus ;  
ubi Deo servimus.

I.

**P**ro Deo facti sumus. Itaque felicitatem nostram nonnisi in Deo inveniemus. Quidquid sumus. ab ipso proficiuntur: æquum proin est, ut ipse centrum sit omnium nostrorum motuum; qui suam quietem non nisi in ipso reperient. Deus supremæ suæ felicitatis sibi met author est; & nostræ esse non possit. Cor hominis Deo sufficit, & Deus homini non sufficiat? animam habemus boni in-

G 3

finiti

**Majus.**

finiti capacem , inquit S. Augustinus : Cuncta alia , quæ Deus non sunt , animam occupare possunt , distinere possunt , sed replere non possunt. Quocunque bono repleas , Domine , cor meum , si temetipsum mihi non dederis , vacuum manebit : nam quæcunque bona possideo , si Deum meum non possideo , verè indigus sum.

II: Etsi bona terrena non adeò vana , ac falsa forent , uti reapse sunt , satiare tamen nos non possent : facta ea sunt propter nos non item nos propter illa. Illa sunt limitata ; cor nostrum infinitè capax est. Illa sunt fluxa , & anima nostra immortalis est ; nec unquam interibit : nihil mortale saturare animam immortalem potest : omnia transibunt ; sed tu , mi Deus , cùm æternus , cùm immutabilis sis , æternū subsistes. *Ipsi peribunt ; tu autem permanes.* Et præterea nemo est , præter te , qui nos efficere verè beatos queat.

*Psal. 101  
v. 27. & 28.*


III. Salomon omnium hominum feliçissimus habebatur. At sapientissimus fuit , dum fassus est , se denique perfectè beatum in terra non fuisse. Nullus unquam hominum tot , tantaque bona possedit , nec tot , tantisque voluptatibus gavisus est ; & nihilominus contestatur , omnia nihil nisi vanitatem esse. *Felix sanè fuisset , si*  
*vitam*

vitam duxisset opinioni suæ congruam Majus.  
 Non raro bona avidissimè desiderata pos-  
 fidere satè est, ut illorum nausea, & con-  
 temptus concipiatur. Sæpè valdè arden-  
 tibus certorum quorundam bonorum de-  
 siderijs tenebaris. An uni saltem horum  
 desideriorum factum satè est? Fuitine  
 tunc contentus? experientia vel sola ab  
 hoc errore liberare nos deberet. Hæc id  
 non raro facit, quin cor nostrum mutet in  
 melius. Et licet sæpius de omnium viræ  
 bonorum inanitate convicti fuerimus, tam  
 ardenter tamen ijs inhiamus, ac si solidissi-  
 ma forent. Quanta stultitia! hæc justa  
 est pæna, mi Deus, quam illis infligis,  
 qui suam extra te felicitatem quærunt.

*Interroga temetipsum, an bonum aliquod, quod  
 possedisti, te unquam satiarit; ac statue non am-  
 plius felicitatem tuam, nisi in Deo querere; in  
 quo solo eandem invenies.*

Vidi cuncta, quæ fiunt sub sole; & Ecce,  
 vñiversa vanitas. *Eccli c. 1. v. 14.*

Omnis copia, quæ non est Deus meus,  
 egestas est. *Aug.*



## DIES